

來此不與抗常自處於雌弱而待其有隙之可乘列子固嘗喻之以水矣莊子又嘗喻之以風矣此一物者非不能極其馳騁也然使水而礙山風而觸石其能入乎則馳騁者有時而不得常遂也若夫超有而無也者生生化化而無所於待運道物物而莫之或撓則豈守柔待間者之所能及也不言之教無爲之益天下希及之矣

御註曰不言之教設之以神無爲之益不虧其真聖人以此抱樸而天下賓無爲而萬物化故及之者希

碧虛子陳景元曰聖人觀天道之自然而謹身節用飭容儀以悟物故不言而其教行若乃有爲則滯迹損物旣而無爲

道藏輯要

道德真經
彭鶴林集註

主

心集七
卅六三

則利益甚多故知清靜簡易之道誠南面之至術則天下希及之也經曰知我者希則我貴矣

黃茂材曰載籍以來立大功建大業其著見於有爲之跡世有人焉至於不言之教無爲之益至人君子修於方寸之間及其成也旁日月挾宇宙揮斥八極之表非夫有爲之功所能髣髴其萬一故曰希及之矣

名與身章第四十四

名與身孰親身與貨孰多

御註曰非所親也非所多也

穎濱蘇轍曰夫忘我者身且不有而況於名與貨乎

道真仁靜先生曹道冲曰身與名何者為親而棄身成名可謂至愚者也身止有一而世間財貨至多物常多於身而一身與多物為敵身先盡而物與貨尙多

陳象古曰身者道之本

黃茂材曰天下之所謂名者皆其外物而乃欲亡吾身以爭之是亦不知親疎者乎天下之所謂貨者何可勝計而乃欲役吾身以求之是亦不知多寡者乎
得與亡孰病

御註曰烈士徇名貪夫徇利其所得者名與貨而其亡也乃無名之樸不貨之軀病孰甚焉

道藏輯要

道德真經
彭鶴林集註

卷

心集七
川上二

碧虛子陳景元曰夫虛名浮利得之若輕羽而性命形神亡之若泰山達人校量誰者是病

涑水司馬光曰得名貨而亡身與得身而亡名貨二者孰病
穎濱蘇轍曰不得者以亡為病及其既得而患失則病又有甚於亡者惟齊有無均得喪而後無病也

道真仁靜先生曹道冲曰得則憂失已失又何憂也

陳象古曰得不安於亡也

黃茂材曰使其得之不過名也貨也而其亡者身也
程大昌曰名之不親於身也貨之不重於身也人皆知之然徇物失我者常不暇恤是特不能權其輕重焉耳老子於此

以身名貨二者參觀而概評之曰得名貨而亡身與得身而亡名貨二者孰病人能用此語也對而思之則輕重之衷昭昭然黑白分矣莊子用其說而伸之曰廢一手以得天下韓侯不爲委隋珠以彈一雀世所共笑則輕重益明矣是故甚愛必大費多藏必厚亡

黃茂材曰費非謂費其資財也而費精神之爲損大亡非謂亡其蓄積也而亡性命之爲禍厚凡此數者利害得失灼然甚明而人不思

林東曰愛之甚則凡可以求之者無所不至能無費乎藏之多則攻之者必眾能無亡乎

道藏輯要

道德真經
彭鶴林集註

書

心集七

知足不辱

道真仁靜先生曹道沖曰辱莫大於貪

程大昌曰知足之富決不受辱

知止不殆可以長久

陳象古曰雖不欲長久其可得乎

黃茂材曰古之人知止足之戒無如漢之二疎辭榮還里保其天年而終可謂長久矣乎曰二疎爲免於殆辱則可以爲長久則未可

程大昌曰無辱無殆故可長久

大成若缺章第四十五